

明  
清  
史  
料

乙編  
第十本

(96356·1B10)

明 清 史 料  
乙 十  
編 本

版 權 所 有 翻 印 必 究

中華民國二十五年六月初版

全部連布定價國幣玖元  
第十本定價國幣玖角  
外埠酌加運費匯費

編輯者

國立中央研究院  
歷史語言研究所

發行人

王 雲 五  
上海河南路

印刷所

商務印書館  
上海河南路

發行所

商務印書館  
上海及各埠

平

明清史料目錄

乙編第十本

九百零一至一千葉

兵部題行「兵科抄出兵科都給事中張縉彥題」

稿

九〇一

兵科抄出山東總兵楊御蕃題本

九〇三

兵部行「兵科抄出山西巡撫宋賢題」稿

九〇五

戶科外抄戶部督催新舊餉務李鍾秀奏本

九〇八

兵部題行「兵科抄出山西道御史郝晉題」稿

九一〇

兵部題行「兵科抄出山東巡撫王公弼題」稿

九一一

兵部行「兵科抄出山西巡撫宋賢題」稿

九一三

兵部題行「山東總兵楊御蕃塘報」稿

九一五

勦辦山東土寇史東明已竣殘稿

九一六

兵部行「湖廣巡撫宋一鶴咨」稿

九一七

兵部題「保定巡撫楊進題」殘稿

九一九

襄陽失陷殘件

九二四

兵部題「御前發下本部題山東巡撫王公弼揭」殘

稿

九二六

兵部題行「湖廣巡撫宋一鶴咨」稿

九二九

兵部題行「御前發下浙江道御史陳昌言題」稿

九三〇

兵部題行「兵科抄出鄖陽撫治王永祚題」稿

九三一

兵部題行「御前發下總理河道張國維題」稿

九三三

兵部題行「御批本部覆山東巡撫王公弼題」殘

稿

九三五

兵部行「兵科抄出總理河道張國維題」稿 九三六

兵部行「處決山東俘犯李青山等情」稿 九三八

兵部題行「保定巡撫楊咨」稿 九三九

兵科抄出山東巡撫王公弼題本 九四〇

兵科抄出刑科右給事中左懋第題本 九四一

兵科抄出刑科右給事中左懋第題本 九四二

兵科抄出刑科右給事中左懋第題本 九四三

戶科外抄刑科右給事中左懋第題本 九四四

兵部行「兵科抄出鄖陽撫治王永祚題」稿 九四六

禮科抄出太和王府鎮國將軍翊銓奏本 九四七

戶科外發總督東路糧餉王正志題本 九四八

兵部行「四川重慶府南川縣生員晏忱臣呈」稿 九四九

兵科抄出總督東路糧餉王正志題本 九五〇

兵部題「湖廣隨州繕城募兵等款」稿 九五一

兵部題行「兵科抄出湖廣巡按汪承詔題」稿 九五二

兵部題行「兵科抄出湖廣巡撫宋一鶴題」稿 九五三

兵部題行「兵科抄出陝西巡按金毓峒題」稿 九五四

兵部題行「兵科抄出順天府府尹周堪廣題」稿 九五五

兵部題行「兵科抄出江西道御史徐殿臣題」稿 九五六

戶科外抄刑科給事中翁元益題本 九五七

兵部行「兵科抄出京營總督吳題」稿 九五九

兵科抄出湖廣巡撫郭景昌奏本 九六〇

兵部題行「御前發下東閣大學士吳甡奏」稿 九六一

兵科抄出湖廣鄖陽府監紀推官朱翊辯奏本

九六三

兵科抄出湖廣江南巡按劉熙祚題本

九六四

兵科抄出湖廣巡撫宋一鶴題本

九六六

兵科抄出鳳陽提督馬士英題本

九七一

兵科抄出鳳陽提督馬士英題本

九七三

兵科抄出安廬巡撫黃配玄題本

九七三

兵科抄出湖廣巡撫宋一鶴題本

九七四

兵科抄出兵科都給事曾應遴題本

九七六

戶科外抄應天巡撫鄭瑄題本

九七七

兵部題行「兵科抄出南京兵部等衙門尙書等官

熊明遇等題」稿

九七九

兵科抄出東閣大學士吳甡奏本

九八二

兵部題「兵科抄出守備湖廣太監何志孔題」稿

九八三

兵科抄出南京吏科給事中李沾奏本

九八四

兵部題行「亟議西南勦寇之策等情」稿

九八五

兵部行「平賊鎮總兵官左良玉呈」稿

九八七

兵部題行「平賊鎮左良玉呈」稿

九八八

兵部題行「兵科抄出浙江道御史李陳玉題」稿

九八九

兵部題「兵科抄出總理河道黃希憲題」稿

九八九

兵部題行「兵科抄出湖廣巡按劉熙祚題」稿

九九三

兵部題行「山西巡撫蔡懋德塘報」稿

九九五

兵部題行「御前發下工科右給事中高翔漢題」

稿

九九六

兵部行「御前發下保定巡撫徐標密奏」稿

九九七

兵部行「御前發下戎政府李奏」稿 九九

兵部行「兵科抄出雲南道御史衛禎固題」稿

九九

兵部題行「兵科抄出保定巡撫徐標題」稿

1000

# 明清史料

## 乙編第十本

九百零一至一千葉

兵部題行「兵科抄出兵科都給事中張縉彥題」稿

調三百七號稽查登訖速寫速奏限初七日上行訖寫關津科書辦承

兵部題爲畿甸之寇勢已成祈急責大勦以救腹心事職方清吏司案呈崇禎十三年十二月初三日奉本部送兵科抄出兵科都給事中張縉彥題稱自天雄河北曹濮一帶饑民作難漸而化爲土賊又漸而化爲流寇今直勢衆至數萬禍烈至破城其所謂蘇大陽袁時中者行將化而爲革左爲曹獻矣臣謂畿內之地非秦蜀楚豫比也股肱之郡湯沐之邑無長江大河之限一有奔軼不崇朝而逼輦轂之下矣封疆諸臣欲効秦蜀楚豫之事苟且蔓延十餘年而不結者豈不令人股慄哉我皇上深憂國本煮粥彌盜明旨頻頒于撫按之臣切責有加今舊撫逮而新撫不遑啓處亦旣仰凜天威矣然臣猶有不可解者二其一在督屬之內而督臣若罔聞知也練募三萬未及禦奴當先殲盜且三省分任惟一督可以合之三撫分諉惟一督可以糾之若統兵南指適中調度以零賊責之道府以劇賊責之撫鎮一切芻餉兵馬可以權宜行事而乃坐擁上游以一紙空檄委之監紀廳官何爲者也其一在鎮屬之內而鎮臣若罔聞知也抽練一萬<sup>(除)</sup>發貼防尙堪驅剿乃以用兵爲凶器候明文爲借口足不出本城之戶庭心不念本信之安危至賊烽滿野始發兵四千以幾倖塞責然則擁麾大帥雖洋灑于紙上之條陳侈談于募練之規畫亦何解于郡邑蹂躪哉故楊德政者臣又不能無議也伏祈皇上念畿甸重地萬萬于他處<sup>(與)</sup>不同于督撫鎮一體切責親身督率刻期大剿或分或合或攻或堵務立盡根株無旁撓互諉其軍前調遣糧料接濟俱聽督撫便宜而行不許驛騷下里濫殺良民如有

違誤俱聽巡按御史叅奏重處其每月剿賊功罪與督撫鎮駐劄處所當令一月一詳奏至東省河北或撫臣移駐彈壓或道將出境合圍俱聽督臣相酌緩急飛檄申嚴以全力合勦救此重地庶廟堂之殷憂可以少釋矣等因崇禎十三年十二月初二日奉聖旨畿輔接連東豫大盜繁興萬一延蔓流毒不小這本責備督鎮及各撫說的是一切酌量調遣事宜着兵部作速議妥來說欽此欽遵抄出到部送司案呈到部看得畿南豫東土寇饑民相煽爲亂非動稱數萬則曰約有幾千雖有零星捷報總無當于戡定之數我皇上赫然震怒已將保撫黎玉田逮問又奉有豫東各撫合力夾勦之旨恨不立出生民于水火之中置赤子于衽席之上乃科臣切責督鎮二臣一則謂練募三萬尙未禦奴先不能殲盜一則謂抽練一萬祇以候文借口不念本信安危復議令親身督兵刻期大剿此真憂深腹心綢繆根本之至計臣察土賊作難之始多繇于有司賑救無術剪除無法甚至諱盜養癰以致滋蔓難圖請自今申畫一之令嚴責成之法凡賊至數十人以上者以剿捕責之州縣賊至百人以上者以剿捕責之道府賊至千人以上者以剿捕責之

【督】撫鎮賊至數千人以上者以勦捕責之總督如有不效立罪不宥邇來天雄一帶雖督鎮臣陸續發兵六千前赴追剿然保河所屬稱王掠邑者復在在皆然今撫臣楊進已至大名卽當【以廣大二府令撫臣辦之前督鎮所發之兵六千遼

紹另疏請勦撫臣統領其保河真順四府之寇當令鎮臣楊德政視賊所向立刻掃蕩萬不可擁大纛于戶庭之內而坐視生民之蹂躪也若督臣楊文岳節制三省之撫鎮又以三省之安危爲功罪其一切進止機宜縱鞭長不及當酌居三面適中之地或合圍或夾勦或分剪宜散者散宜撫者撫務期呼吸立應而調度靈通方可收廓清之績不然日延一日不痛不痒恐秦楚流寇之患害將中于輦轂之下矣可不爲之寒心哉向撫臣逮問而督鎮安然事外終非法紀之

平督臣楊文岳亦應先降一級鎮臣楊德政亦應先降二級戴罪自贖如悠忽從事另行重處至援接糧料聽督撫便宜行事剿賊功罪聽按臣每月叅奏俱應如議亟行申飭者也恭候命下將楊文岳先降壹級楊德政先降貳級各戴罪勦賊自贖崇禎十三年十二月初六日郎中張若麒

兵部爲畿甸之寇勢已成等事該本部題云云等因崇禎十三年十二月初九日奉聖旨這剿寇事宜分別責成督撫道府州縣等官不效者罪督鎮所發官兵六千員名俱着聽楊進便宜操縱撫鎮分任各府地方務蚤蕩平楊文岳着酌三省適中之處調度剿撫不得膜視接濟糧料聽該督撫便宜行盜賊朋興督鎮安得無罪楊文岳先降職一級楊德政先降職二級俱着戴罪剿賊自贖該部仍先嚴飭行欽此欽遵抄出到部送司案呈到部擬合就行爲此一咨保定巡撫合咨貴院煩炤本部覆奉明旨內事理卽行各該道府州縣分任責成如勦捕不效立行叅處仍將督鎮所發官兵六千便宜操縱與該鎮分任各府地方上緊輯撫速奏蕩平毋得稽延致令流毒一咨保定總督合咨貴都院煩炤本部覆奉明旨內事理卽駐三省適中之處就近調度火速剿撫不得膜視致滋蔓延其接濟糧料會同該撫便宜酌行仍一面帶降一級戴罪剿賊自贖施行一劄保定總兵合筭本官遵炤本部覆奉明旨內事理卽將分任四府之寇上緊撫輯立奏蕩平如稽延流毒剿撫不效自干功令仍帶降二級戴罪剿賊自贖施行崇禎十三年十二月十三日郎中張若麒



兵科抄出山東總兵楊御蕃題本 不應抄傳 續十三年十二月三十日發奉旨五日註銷限本月本日完繳陸明兵部呈于兵科抄出

欽差鎮守山東等處地方總兵官左軍都督府右都督降二級臣楊御蕃謹題爲再報官兵奮勇蕩平全股流寇大獲奇捷恭慰聖懷事 竊得畿南東省豫直接壤之間值此三百年未有之奇荒父子相食盜賊蠭起蒙皇恩浩蕩時時以賑飢剪寇爲功自九月初一日臣蕩平開州流寇僞王黃小槐全股之后竟西一帶稍稍寧貼忽于十一月十五日據朝城曹濮各州縣申文報稱又有畿南威滑東明開州一帶流寇突犯山東逼近城池焚掠莊村內有大砲三眼槍弓箭甚多共有萬餘極其精銳等因到臣又准山東撫臣王國賓手本內開曹濮一帶賊魁屢屢見告今報有一萬餘衆勢甚猖獗急應剿捕今本院於本月十六日已時督標兵一千五百名的于二十日至金鄉縣候貴鎮親督官兵前來于二十二日會兵合剿務期殄滅以靖地方等因到臣准此卷察先奉兵部扎付內開潯滑等縣東連曹濮再接濟臨所有賊衆西剿東逸勢所必至况奉有嚴旨勿分畛域發兵協剿務在擒渠散脇蚤靖根株等因奉此又奉總督部院楊文岳扎付同前事等因奉此該臣星夜整頓官兵分東西兩路竝進曹濮一帶先是撫臣王國賓及臣檄令參將馬岱統兵二千朝城范縣又令付總兵張守忠統兵一千防剿其間爲犄角之勢臣親督官兵三千于本月十八日辰時起馬兼程望曹單進發會同撫臣王國賓合兵進剿于二十一日師至鄆城縣據本縣知縣李芳莎申報本縣城西北忽有北直河南合股流寇一枝約有萬餘屯扎箕山洪韶口一帶肆行焚掠勢甚重大急請剿捕臣隨差據前鋒偵探守備孫成功李文昇逼近賊營探得流寇苗頭西行至張家樓造飯宿歇欲于二十三日黎明攻取濮州城池臣隨一面知會撫臣合兵西向進剿臣親統官兵三千同撫臣標下官兵一千五百名東昌監軍道標下官兵三百名壽張堯

西道標下官兵二百名鄆城縣知縣李芳莎下鄉勇衛兵一百名星馳進剿一面選差都司湯可賢張莊猷連夜由間道冒險飛調馬岱統兵迎賊夾剿至二十三日寅時馬岱統兵同濮州鄉宦羅志儒楊本鉞下家丁一百名及濮州知州王襄吏目褚志學同練總趙光遠練長扎付守備竇進道王文志統鄉勇一百名爲鄉導至舊濮州地方果遇賊寇一萬餘衆扎四大營二小營週圍二十餘里賊營有大輿一乘伍（綠）簪錄黃傘二柄騎大青馬一匹輿前調度指揮僞號威行天下都招討徧張告示招納叛逆肆行不軌賊持有大砲三眼槍火藥鉛鉄子弓箭長槍一切器械俱全目無官兵遙擁拒敵炮矢如雨臣親督各營付參都守中千把等官馬岱孫成章閻芳譽范永柱蘇民惠孫成功許遇明楊衍朱大年李雲卿戚之垣張壯猷楊順李文昇湯可賢楊坦何天寵張應祥金炳鎔盧名儒王箴張勤郭衛王興陳英許茂梓張守忠王官楊旺徐弘毅康永寧張之培楊彩余光普嚴茂功楊參侯大勛楊貴基華雲龍李雲慶許廷用周延胤趙聯璧李冲霄張國綬狄永靖范永寧陸騰雲張啓亮馬瑛管總姜汝極王今高張在勇秦光先張虎王應登詹國岳路登名張德恆朱錦沙懋章李忠李彥春竇文進楊虎胡寅雲中守張德張鳴鳳賀朝英李鳳周寵劉汝玉曹士琳孫維瀚屠振遠徐良全范明經李敦厚葉欣朱予棟馮斯盛施加祿徐之瑛朱安高應芝馮得祿李應臣鄭國仕潘龍麟劉定邦謝杰郭威王佐才楊彥郭維藩孫惟統張其煇彭安仁褚志學內生員李雲慶自備鞍馬親丁二十五名躬冒矢石手刃強壯首級三十六顆血功獨多及撫臣標下都守中千把等官毛邦貴趙萬方鄧言揚劉立田賈應魁趙晉馬一連徐強韓啓明宋延福馮生等東昌監軍道標下中千等官李茂柳毓融楊有光陳壽王國禎孫登仕張廩等兗西道標下都守中千把等官董振先張成福劉錫光杜憲黃湯聘楊國俊張玄王九賢曹捷許大祿程士鳳李伏白

何九貢楊魁元楊懷瑾郭海等各督兵丁用大砲鳥槍弓箭長槍狠攻惡戰奮勇直前馬岱直搗中堅深入虎穴一齊  
砍殺其賊首穿紅袍騎白馬在陣被馬岱一刀砍于馬下身懸方印一顆重三十八兩徑過三寸有餘上篆威行天下  
都招討字樣其前傘轎(淨)卽此賊之用也衆見賊首已亡隨而披靡向西南奔潰臣督揮各兵飛馬追殺直砍至濮州西  
南柳家屯止賊隨靖盡日已沉西約七十餘里砍死八千有奇屍橫遍野絡驛不絕收兵之后臣隨令步兵割取首級  
不然恐遠近飢民抬去食用日後无憑察勘時日已暮仍有三分未行割盡共割級三大騾車十二牛車尙未載完仍  
寄頓一千二百三十餘顆在城東娘娘廟中其車中所載者隨拉至濮州城下南關通衢于二十四日令閭郡百姓徧  
認并無鄉民知州王襄親行察數報四千三百九顆其寄娘娘廟未割盡者不與也生擒一百五十名卽交王知州審  
明梟示所救難婦四百餘口俱令隣近鄉民認領其餘四十一口一并交該州發放其大轎一乘五簷黃傘一柄綠傘  
一柄俱交該州訖共得馬騾二千餘匹頭卽均賞各營有功官兵訖又得大砲二百零三位隨留二十五位于濮州二  
十位于曹州爲城守之計其餘并三眼槍五百餘桿長槍四千餘桿俱分發各營隨用陣亡兵五十五名陣亡馬八十  
二匹陣亡騾一十四頭馬岱奮不顧身腰被一槍肩膊一槍血透重鎧重傷兵丁二十名輕傷兵丁三十二名此一役  
也蕩平開滑流來之巨寇全股盡滅鄆濮不致攻圍錢糧毫無糜費草木不驚地方寧謐皆仰仗皇上天威內而閣部  
科之制勝廟堂時申功令外而總督之淵謨妙算指授方略與夫撫臣王國賓之親督官兵合旅進剿多方調度致此  
奇捷按臣李近古運籌決勝賞罰嚴明復飭備糧葛以濟急需士馬得以飽騰戰氣因而百倍東昌監軍道王公弼壽  
張道帶管寬西道胡之竑振旅出師決謀制勝復捐犒多金鼓勵士卒又差官沿途催督經過州縣辦給糧料无缺左

布政使周應期臨清戶部主事張益慶各措備本折接濟軍需以資果腹東昌府知府趙溶推官沈應明濟南府監紀推官丘祖德兗州府知府雷應乾推官（疑脫）恪念切同讎合謀制勝臨清州知州羅賢聊城縣知縣王顯鄆城縣知縣李芳莎濮州知州王襄曹州知州韓祥州同李延莘縣知縣李朝輔朝城縣知縣熊培元曹縣知縣梁舟傑或確偵賊情或堅壁清野更接濟糧料均有裨于掃蕩之功濮州鄉宦羅志儒楊本鍼蘇光德犒賚米麵牛酒不吝多金鼓勵益增銳氣復各遣家丁協力擒斬共成奇捷提塘守備陳汝鋌傳宣京報部檄晝夜不遺（餘）力致令事多中款軍機無悞深有裨于剿寇捷功此固將士戮力于疆場以報聖明然非帷幄運籌羣策畢舉何以玄（疑誤）立奏蕩平一時諸臣勞績俱不可泯伏乞聖恩勅部察覆施行崇禎十三年十一月廿九日題十二月廿九日奉聖旨已有旨了該部知道

兵部行「兵科抄出山西巡撫宋賢題」稿 往字二百七十三號十一月初一大同科書辦趙文錦楊蕃承十三年十二月分

兵部爲續報鄰賊竊犯饑民煽動官兵奮勇堵剿情形事職方清吏司案呈崇禎十三年十一月二十九日奉本部送兵科抄出山西巡撫宋賢題前事內稱案炤先據各道塘報畿南河北土賊窺犯晉境官兵預防斬馘并臣遣發標下中軍叅將陳尙智選領精兵馬步一千星趨平樂遼和澤潞等處偵賊向往迎頭截殺已經題報去後今於十一月初八日據臣標下中軍叅將陳尙智塘報初三日行至和順縣差撥丁同該縣鄉導偵賊在直隸河南等處搶掠本縣境界並無盜賊職於初四日行至遼州據南關防守千總楊登雲見在十八盤防禦差撥丁王宗魯與遼州潘知州移會職隨喚登雲差役詢問據本役說稱十月二十九日本官差兵丁鄭旺等探至武安地方探得賊前在十八盤嶺下打聽有山西兵馬賊苗頭往東南去遠離嶺百里職俟到黎潞與巡南道面商如澤州境界有賊防剿等情同日又據分巡河東道僉事楊景明塘報本月初三日據翼城縣報稱十月二十七日據本縣練總丁世康報稱本月二十五日據哨探邵貞等報稱賊寇一股約二千有餘在懷慶府濟源縣錦雞崖下一帶盤居（踞）每日撥健賊五七百在垣曲縣東北地方打糧搶虜等情隨於二十六日又據哨探任三元報稱死賊大勢已有西北之行與本縣東南山大河裏地方相去不遠等情又於本月二十八日據丁練總報同前事報稱本月二十七日申時據本縣十字河鄉民侯明升等報稱東賊一股于二十六日到沁水縣椒口寨搶掠等情止離本縣曹公山二十里等情據此塘報聞於本月二十九日又據侯明升報稱流寇一股自垣曲而來于二十八日夜三更時分到十字河曹公等五村放火燒房虜掠民財乞准發兵征剿等情據此本縣除委丁練總領兵征剿并調防守崔守備協剿外等因具報到道據此隨即發本道標下官丁

白登魁等一百名并移會平陽叅將趙民懷挑選官兵黃家佐等精強馬兵二百名協同馳赴彼處追剿去后隨據翼城縣報稱十一月初三日據練總丁世康報稱康督官兵于十月三十日午時會同防守崔守備合營征剿自曹公起身到大河獨塚安歇初一日辰時與崔守備分途進剿我兵繇黑龍潭到絳縣晝窰裏遇有打糧賊約三百餘人我官兵乘機奮勇砍殺斬獲首級八顆奪得耕牛三隻驢六頭騾一頭隊旗二杆標旗一杆營鼓一面綿被十一件毛毯三條口袋六條衣服等項又崔守備征剿得首級一顆驢一頭衣服等項流寇已往南行離我縣地方百十餘里等緣絲塘報到縣據此塘報到道等情又據分守河東道右叅議李政修塘報十月二十九日據垣曲縣報稱本月二十三日酉時據探賊兵快成子青崔連晉等報稱西陽河死賊約有四五百名在濟源地方青底溝放火搶掠勢欲西行前哨賊已至本縣地方峪子村屯聚等情到縣隨即暗會蒲營都司柳如金防河千總張威統領官兵本縣親領衙兵鄉兵分爲三路前去堵剿死賊知覺逃走仍督各兵追至馮家河不意死賊竟出與兵對敵奮督官兵剿殺直至二十四日辰時收營將賊殺敗斬獲賊級八十顆內千總張威親斬賊級三顆王亮二顆本縣斬獲賊級七顆帶傷官兵五名奪獲難婦五口招主認領仍將獲功官兵衙兵鄉兵花紅迎賞外等情據此又據蒲營都司柳如金塘報相同等情各報到道等情本月十二日又據該道塘報本月初三日據垣曲縣報稱十月二十七日據本縣哨探兵快李進學崔連晉並哨探官兵趙吉等報稱死賊往來未有定處到處放火搶掠探得死賊二股一股係濟源賊屯扎馮家河前已被兵殺敗一股係陽城來賊約有二千餘于本日未時到本縣礮塚村放火攻寨等情到縣即密會蒲營都司柳如金親督千總張威柳如梓王亮等統領官兵同本縣督領親丁衙兵及鄉兵三更起行至黎明到賊處合力征剿死賊一見兵

至執戈前來與兵相戰即將兵丁分爲三股一股從後截殺一股與賊交鋒一股斜裏夾攻合兵追殺直至二十八日辰時將賊殺敗當陣斬獲賊級一百二十二顆內有千總張威斬獲賊級四顆柳如梓斬獲賊級三顆王亮三顆本縣斬獲賊級八顆帶傷兵丁八名除將首級驗明寄庫獲功員役花紅迎賞外等情又據蒲營都司柳如金塘報與縣所報相同等情各報到道等情本日又據分巡冀南道右參議劉正衡塘報十月二十六日據澤州申稱卑職于本月初十日隨本道督兵會剿陽城地方河南土寇間突聞塘報本州石城里賊首閻汝智統夥八百餘名分爲五營白晝行兵酷劫各鄉鎮砦所至刼殺一空于十一日卑職卽分撥原帶團練鄉兵督同鄉導使生員姚璉差撥東烏嶺千總郭選各帶家丁募兵等星夜兼程分道進剿去後十二三等日璉等探得賊夥已結寨水垓地方殺傷良民肝腦遍野姦淫婦女宰烹牛馬賊勢縱橫無忌忽有沿途遞報前來隨率兵丁于十四日二鼓自鞏川進兵至十五日未時直抵賊營賊據峻極巔疊石成壘扎寨分東西南北中五營砲石滾擊如雨兵馬被傷難進矢石交發勢難上攻隨即調遣郭選等帶領膂力勇士從山後探道雲時鼓奮密透賊營掩其不備趁勢呼應前後夾攻火砲飛矢雲集圍斬三百餘兇湊暮餘賊避匿水垓洞當令衆兵扎營露處困守洞口至曉生擒活賊四十二名隨簡帶賊首閻汝智等首級一百一十二顆卽令押至本州點交吏目權在上收貯其四十二名當卽審明監固等情本日又據該道塘報案炤高平縣有土賊三四百將魯村南寨攻據該縣縣知縣隨領防守該縣新兵營官兵一百名并挑選衙兵先赴征剿後本道親督新兵營守備張洪中軍守備陳應龍官兵馳赴困賊已經塘報訖本道同縣知縣一面督令官兵圍攻本寨一面曉諭憫念飢民所迫如悔罪願降者免死釋放不意衆賊抗不招降聲（疑脫）定與交戰言罷寨上打石如雨亂箭飛射以致